

小學宗註六

					漢書門
				九三七八	
				一七八	
				四四	
				冊架函號類	

內閣文庫			
九三八	九三七八	漢書	
一七八	四四		
冊架	冊架	冊架	冊架

內閣文庫		
番號	漢	9378
冊數	4	(4)
函號	298	225



小學宗註卷之六

淺草文庫

天治陳

選點註

錢塘

周起鳳

應撝謙 評疏

善行第六

此篇紀漢以來賢者所行之善行。以實立教明倫敬身也。凡八十一章

呂榮公。名希哲。字原明。申國正獻公之長子。正獻公居家簡重寡默。不以事物經心。而申國夫人。性嚴有法。雖甚愛公。然教公事事循蹈規矩。

正獻公名公著字晦叔相宋封申國公簡簡要重
重厚寡省事默慎言也事物謂外事外物經猶縈
也蹈猶行也規矩喻禮度事事依循禮度而行下
文所言是也

甫十歲。祁寒暑雨。侍立終日。不命之坐。不敢坐也。日
必冠帶以見長者。平居雖甚熱。在父母長者之側。不
得去巾襪。縛袴衣服。唯謹。去上聲 縛音篆

甫始也。祁大也。縛繞也。縛袴所以纏繞袴管者。亦
謂之偏首之巾。足之襪。脛之縛袴。身之衣服。皆不
得去。謹則又加整飭矣。

行步出入。無得入茶肆酒肆。市井里巷之語。鄭衛之
音。未嘗一經於耳。不正之書。非禮之色。未嘗一接於
目。

鄭衛二國名。其音淫。熊氏曰。足不妄行。耳不妄聽。
目不妄視也。

正獻公通判潁州。歐陽公適知州事。焦先生于之伯
強。客文忠公所。嚴毅方正。正獻公招延之。使教諸子。
諸生小有過差。先生端坐。召與相對。終日竟夕。不與

小學身言 卷六 一
之語。諸生恐懼畏伏。先生方畧降辭色。

歐陽公名修字永叔謚文忠焦先生名于之字伯強時寓歐陽公家諸子諸生皆謂榮公及其弟也端正也降猶舒也解也

時公方十餘歲內則正獻公與申國夫人教訓如此之嚴外則焦先生化導如此之篤故公德器成就大異衆人公嘗言人生內無賢父兄外無嚴師友而能有成者少矣

行成曰德才成曰器人性本善而氣質不同苟無父兄教訓于內師友導化于外則安能有成也哉程子曰天下英才不爲少矣特以道學不明故不得有所成就

○呂榮公張夫人待制諱盥之之幼女也最鍾愛然居常至微細事教之必有法度如飲食之類飯羹許更益魚肉不更進也時張公已爲待制河北都轉運使矣盥音溫使夫聲

夫人榮公之妻待制官名諱卽名也生日名歿日諱鍾聚也更再也益增也都轉運使亦官名

已貴顯矣而示女子以儉約如此非特教子者所當法亦守官者所當法也

及夫人嫁呂氏夫人之母申國夫人姊也一日來視女見舍後有鍋釜之類大不樂謂申國夫人曰豈可使小兒輩私作飲食壞家法耶其嚴如此樂音洛

張待制呂正獻公皆魯叅政宗道之婿張待制女嫁正獻之子榮公一日張妻來呂氏視女見女私室有鍋釜等器乃作色謂其妹申國夫人曰兒女輩豈可令私造飲食以敗壞家法乎熊氏曰呂氏

家法固美矣而張待制魯叅政家其闡範又嚴正如此可見當時士大夫家禮義成習豈後世之可及乎

○唐陽城為國子司業引諸生告之曰凡學者所以學為忠與孝也諸生有久不省親者乎明日謁城還養者二十輩有三年不歸侍者斥之養去聲

唐李氏王天下之號城字亢宗定州人謁告也斥逐也王去聲

○安定先生胡瑗字翼之患隋唐以來仕進尚文辭

而遺經業。苟趨利祿。及為蘇湖二州教授。嚴條約。以身先之。雖大暑。必公服終日。以見諸生。嚴師弟子之禮。解經至有要義。懍懍為諸生。言其所以治已。而後治乎人者。學徒千數。日月刮剝。為文章。皆傳經義。必以理勝。信其師說。敦尚行實。後為太學。四方歸之。庠舍不能容。瓊音願。先去聲。懍口很切。為去聲。剝音磨。傅音附。行去聲。條教條約。約束。以身先之。謂躬行以率之。要義。即治已治人之道。懍懍。切到之意。治已而後治人。明體適用之學。撫刮剝。刮垢剝光也。兼文行而言。傳

依也。必以理勝。不尚辭也。信尊信也。安定後為國。子直講。四方學者歸之。故庠舍不能容。

其在湖學。置經義齋。治事齋。經義齋者。擇疏通有器局者居之。治事齋者。人各治一事。又兼一事。如治民治兵。水利算數之類。其在太學亦然。

吳氏曰。疏通謂氣質開明。有器局。謂局量寬廣。朱子曰。胡氏開治事齋。亦非獨只理會這些。如所謂頭容直。足容重。手容恭。許多說話。都是本原。其弟子散在四方。隨其人賢愚。皆循循雅飭。其言談

舉止。遇之。不問可知為先生弟子。其學者相語稱先生。不問可知為胡公也。飭音赤

吳氏曰。循循有次序而不越禮度也。雅飭雅正而謹飭也。辭氣異乎常人。故不問知其為先生弟子。四方從學者衆。故稱先生必知其為安定也。

○明道先生言於朝曰。治天下以正風俗。得賢才為本。

風者上所化。俗者下所習。賢有德者。才有能者。二者固治天下之本。然得賢才。斯可以正風俗。則得

賢才。又正風俗之本也。

宜先禮命。近侍賢儒。及百執事。悉心推訪。有德業克備。足為師表者。其次有篤志好學。材良行脩者。延聘敦遣。萃於京師。朝夕相與講明正學。好去聲。行去聲。

悉盡也。近侍之儒官。在朝之百職。皆令盡心推求。詢訪也。延聘。謂迎之以禮。敦遣。謂送之以禮。萃。聚也。京。大也。師。衆也。天子之都曰京師。

其道必本於人倫。明乎物理。其教自小學灑掃應對。以往脩其孝悌忠信。周旋禮樂。其所以誘掖激勵。漸

摩成就之道。皆有節序。其要在於擇善脩身。至於化
成天下。自鄉人而可至於聖人之道。漸音尖

誘之掖之。使有進激之。勵之使無退漸之。磨之使
不苦其難。皆所以成就之。正學不出乎人倫物理
而已。灑掃應對。以至周旋禮樂。小學之教也。誘掖
激勵。漸磨成就之。成其始也。擇善脩身。以至化成
天下。大學之教也。自鄉人而至于聖人之道。成其
終也。

其學行皆中於是者。為成德。取材識明達。可進於善

取志先擇
所為有本
之治

者。使日受其業。擇其學明德尊者。為太學之師。次以

分教天下之學。行去聲
中去聲

中于是。謂合于小學大學之教者。以成德為師。取
材識之明達者。受其教。及學之既成。上者使教國
學。其次以分教州縣之學也。此三節言擇師之法。
擇士入學。縣升之州。州賓興於太學。太學聚而教之。
歲論其賢者能者於朝。

縣謂縣學。州謂州學。王制曰。論定然後官之。

凡選士之法。皆以性行端潔。居家孝悌。有廉恥禮讓。

通明學業。曉達治道者。

行去聲

選亦擇也。此兩節言擇士之法。朱子曰。明道論學制。最為有本。讀之未嘗不慨然發嘆也。

○伊川先生看詳學制。大槩以為學校。禮義相先之地。而月使之爭。殊非教養之道。請改試為課。有所未至。則學官召而教之。更不考定高下。

伊川嘗克崇政殿說書。同孫覺等看詳。因于監條制。相先猶相尚。月使之爭。謂月有試以較其高下。是使之爭競也。

所議極是。然如此。又須賢者分。明則學師。固不可不詳入耳。

制尊賢堂。以延天下道德之士。鑄解額。以去利誘。

繁文。以專委任。勵行檢。以厚風教。及置待賓。更師齋。

立觀光法。如是者亦數十條。

鑄于全切解。若鑄切去上聲。行去聲。

制置也。延待也。鑄。謂刻定之。解。猶貢也。額。猶數也。

宋元豐中。以利祿誘士。國學解額。增至五百人。來者奔湊。程子蓋欲量留百人。餘四百分于州郡。使士人各安鄉土也。省減也。繁文。吏牘之類。師儒之官。不責以小文。所以專委任也。行檢。謂行誼名檢。待賓齋。所以待行能可賓敬者。更師齋。則通于治。

道可為吏之師法者居之觀光謂觀見國之盛德
光輝立觀光法蓋以處來學之士也

○藍田呂氏鄉約曰凡同約者德業相勸

藍田縣名呂氏兄弟四人大中、大防、大約、大臨鄉
約與鄉人約誓也德志行之善也業士農工商之
職也勸勉也

過失相規

規猶戒也

禮俗相交

禮俗謂婚姻喪葬祭祀之禮有往還書問慶弔之

節

患難相恤

患難一曰水火二曰盜賊三曰疾病四曰凶喪五
曰孤弱六曰誣枉七曰貧乏

有善則書于籍有過若違約者亦書之三犯而行罰

不悛者絕之悛音銓

若及也悛改也絕之使不與約也與去聲

○明道先生教人自致知至於知止誠意至於平天

德行過失
舊註有條
御恐亦未
盡刪改

下。灑掃應對。至於窮理盡性。循循有序。

格物致知。所以求知所止。誠意正心。脩身齊家。治國平天下。所以求得所止。大學之教也。灑掃應對。小學之教也。窮理即致知。至于知止之事。盡性即誠意。至于平天下之事。循循有次序。貌謂先習之于小學。而後進之于大學。而大學之教。又自有其序也。

病世之學者。捨近而趨遠。處下而闕高。所以輕自大。而卒無得也。闕音窺

病患也。趨奔也。闕猶闕也。卒終也。程子教人循循有序。蓋病其踰越而無次者也。

○右實立教

江革少失父。獨與母居。遭天下亂。盜賊竝起。革負母逃難。備經險阻。常採拾以為養。數遇賊。或劫欲將去。革輒涕泣求哀。言有老母。辭氣愿款。有足感動人者。賊以是不忍殺之。或乃指避兵之方。遂得俱全於難。

少去聲難去聲養去聲
數音朔愿音願難去聲

革字次翁。漢臨淄人。負謂以背負之。備經險阻。謂

徧歷道路之艱危採拾謂採取草木之可食者數
頻也切欲將去欲脅革以去也愿款誠慤也俱全
母子皆保全也

轉客下邳貧窮裸跣行傭以供母便身之物莫不畢

給。裸魯果切跣蘇
典切傭音庸

轉客猶飄泊下邳郡名裸露身跣露足行傭為雇
工也便身之物謂母身所便安之物畢猶皆也給
猶足也革困于寒餒而養母乃如此可謂能竭其
力矣

○薛包好學篤行父娶後妻而憎包分出之包日夜
號泣不能去至被毆杖不得已廬於舍外旦入而灑
掃父怒又逐之乃廬於里門晨昏不廢積歲餘父母
慚而還之後服喪過哀好去聲行去聲
號平聲毆音哂

包字孟嘗漢汝南人不能猶不忍里門巷門也不
廢謂不廢定省之禮

既而弟子求分財異居包不能止乃中分其財奴婢
引其老者曰與我共事久若不能使也田廬取其荒
頓者曰吾少時所理意所戀也器物取其朽敗者曰

我素所服食。身口所安也。弟子數破其產。輒復賑給。

少去聲。戀龍眷切。數音朔。復去聲。

既謂服喪已也。弟子弟及其子也。中分均分也。共事同事也。若汝也。指弟子。荒謂田畝荒蕪。頓謂廬舍傾頓服用也。

○王祥性孝。蚤喪親。繼母朱氏不慈。數譖之。由是失愛於父。每使掃除牛下。祥愈恭謹。父母有疾。衣不解帶。湯藥必親嘗。母嘗欲生魚。時天寒冰凍。祥解衣將剖冰求之。冰忽自解。雙鯉躍出。持之而歸。母又思黃

此之謂至誠動物。純二字在實。

雀。爰復有雀數十。飛入其幕。復以供母。鄉里驚嘆。以為孝感所致。有丹柰結實。母命守之。每風雨。祥輒抱樹而泣。其篤孝純至如此。數音朔。譖則禁切。剖音厚。切。爰音栢。

祥字休徵。晉瑯琊人。親母也。譖毀也。失愛于父。不得父之愛也。牛下牛糞。剖破也。爰爰肉。驚嘆驚異。嗟嘆也。孝感謂魚雀之至。皆孝誠之感動也。丹紅色。柰果名。

○王裒字偉元。父儀為魏安東將軍司馬。昭司馬東關之敗。昭問於衆曰。近日之事。誰任其咎。儀對曰。責

在元帥昭怒曰。司馬欲委罪於孤邪。遂引出斬之。哀

侯切

哀。晉人儀哀父名魏。曹氏篡國之號。上司馬覆姓。

下司馬。官名。言儀為魏國安東將軍司馬。昭之司

馬也。東關地名。敗謂戰敗咎罪也。元帥稱昭。孤。昭

自稱也。

哀痛父非命。於是隱居教授。三徵七辟。皆不就。廬於

墓側。旦夕常至墓所。拜跪攀柩。悲號涕淚著樹。樹為

之枯。讀詩至哀哀父母。生我劬勞。未嘗不三復流涕。

門人受業者。竝廢蓼莪之篇。

辟音璧。號平聲。著直聲。切為去聲。三去聲。復福。

朝廷召曰徵。郡國舉曰辟。哀哀父母。生我劬勞。蓼

莪詩之辭。三復。謂再三反覆誦之。廢蓼莪篇者。恐

其師哀感。故舍之而不誦也。

家貧躬耕。計口而田。度身而蠶。或有密助之者。哀皆

不聽。及司馬氏篡魏。哀終身未嘗西向而坐。以示不

臣于晉。

度音鐸。篡初患切。

密猶私也。聽猶從也。逆而奪取之曰篡。昭既死。子

炎篡魏。自立為晉。哀衣食不求豐裕。而坐不面闕。

變後守祭
不去卒為
賊殺則非
聖賢全許
之道

皆痛父非命、不忍故爾。

○晉西河人王延。事親色養。夏則扇枕席。冬則以身

溫被。隆冬盛寒。體常無全衣。而親極滋味。

養去聲。扇平聲。

西河縣名。延字延元。色養以和悅之顏色。而奉養

也。以用也。全完也。滋味猶言甘旨。

○柳玘曰。崔山南。昆弟子孫之盛。鄉族罕比。山南曾

祖王母長孫夫人。年高無齒。祖母唐夫人。事姑孝。每

旦櫛縱筭。拜於階下。即升堂乳其姑。長孫夫人不粒

食數年而康寧。

山南名瑄。唐博陵人。為山南西道節度使。故稱山

南。昆兄也。王大也。曾祖王母。即曾祖母也。姁長孫

不粒食而康樂安寧。繇飲乳也。

瑄音管。

一日疾病長幼咸萃。宣言無以報新婦恩。願新婦有

子有孫。皆得如新婦孝敬。則崔之門安得不昌大乎。

疾甚曰病。萃聚也。長孫夫人臨沒。聚其幼。稱其子

婦之孝。願後子孫皆克似之。孝子錫類。其族屬隆

盛可知也。

○南齊庾黔婁。為孱陵令。到縣未旬。父易在家遘疾。

黔婁忽心驚舉身流汗。即日棄官歸家。家人悉驚其忽至。屏鉏山切易音異邁音垢

南南朝齊蕭氏僭國之號。黔婁字子貞。屏陵縣名。旬十日也。易黔婁父名字幼簡邁。遇也。熊氏曰父子一體而分。父疾而子心驚汗出。自然之理也。忽速也。黔婁即棄官而歸。故家人驚其至之速也。

時易疾始二日。醫云欲知差劇。但嘗糞甜苦。易泄利。黔婁輒取嘗之。味轉甜滑。心愈憂苦。至夕。每稽顙北

辰求以身代。差楚戒切劇音極額蘇朗切

病愈曰差。病甚曰劇。醫蓋以糞甜則病甚。糞苦則病愈也。稽顙叩頭也。北辰北極也。

○海虞令何子平。母喪去官。哀毀踰禮。每哭踊頓絕。方蘇。屬大明末。東土饑荒。繼以師旅。八年不得營葬。晝夜號哭。常如袒括之日。冬不衣絮。夏不就清涼。一日以米數合為粥。不進鹹菜。所居屋敗。不蔽風日。兄子伯興欲為葺理。子平不肯曰。我情事未申。天地一罪人耳。屋何宜覆。屬音竹號平聲袒音但衣去聲為去聲葺音緝覆敷救切

海虞縣名。子平南朝會稽人。哀毀踰禮。痛傷過于

禮也。頓絕。遽然氣絕也。蘇猶醒也。屬猶會也。大明年號。東土。即會稽。軍法二千五百人為師。五百人為旅。營謀為也。袒露臂。括括髮。人子初喪之禮也。葺。脩補也。情事未申。謂親未葬也。

○蔡興宗為會稽太守。甚加矜賞。為營塚壙。會音檜。為去聲。矜者憫其苦。賞者嘉其孝。

○朱壽昌。生七歲。父守雍。出其母劉氏。嫁民間。母子不相知者五十年。壽昌行四方。求之不已。飲食罕御酒肉。與人言。輒流涕。雍去聲。下同。

壽昌字康叔。宋天長人。昌年七歲。父名與。為雍州太守。昌之生。母劉氏。與之寵人也。嫡妻嫉之。故與出。嫁民間。母子不相知其安否者五十年。後與官至工部侍郎。昌受父蔭。累官至閬州及廣德二郡守。嫡母既喪。壽昌始知其事。行四方。求母不止。飲食少用。酒肉者。心在于親。而不在于味也。與他人言及母事。即悲泣流涕。

熙寧初。棄官入秦。與家人訣。誓不見母。不復還。行次同州。得焉。劉氏時年七十餘矣。雍守錢明逸以事聞。

詔壽昌還就官。繇是天下皆知其孝。

熙寧年號昌棄官入秦卽雍州之地訣別也次猶至也與家人別誓不見母不復還行至同州避雨于逆旅忽有老婦冒雨拾薪而歸因傷而嘆息曰吾兒壽昌安知母今日如是壽昌聞語驚愕進前恭問乃知其爲生母劉氏年七十餘矣雍守錢明逸字子飛以壽昌尋母之事聞于朝詔令壽昌還就所棄之官從此天下皆知壽昌之孝也

壽昌再爲郡守。至是以母故通判河中府。迎其同姓

弟妹以歸。居數歲。母卒。涕泣幾喪明。拊其弟妹益篤。

爲買田宅居之。其於宗族尤盡恩意。嫁兄弟之孤女

二人。葬其不能葬者十餘喪。蓋其天性如此。幾平聲喪去聲

拊音府

河中府今蒲州也。近同州。壽昌先爲廣德郡守。棄官尋母。後得母歸。詔還原官。故曰再爲郡守。至熙寧八年。以尋母之故。欲便于奉養。辭郡守而爲河中府通判。迎其民間同母所生之弟妹。以歸于家。相與居處數年。其母方卒。壽昌涕泣哭之。幾喪其

目之明、拊安其弟妹、益加厚焉、爲買田宅以居之、使之不失所也、其于宗族、最能盡其恩意、嫁其兄弟之無父孤女二人、葬其死而家貧不能葬者十餘喪、推愛母之心、而篤于同母弟妹、推愛父之心、而篤于宗族兄弟、蓋至孝出于天性而然也。

○伊川先生家治喪不用浮屠。在洛亦有一二人家化之。

浮屠佛氏也。洛水名。在河南。伊川先生家治死者之喪、皆依古禮而行、不用僧佛、以爲追薦之事、在

於洛地、亦有一二人家、從先生之教、其治喪亦不用於浮屠也。

○霍光出入禁闥二十餘年、小心謹慎、未嘗有過、爲人沉靜詳審、每出入下殿門、進止有常處、郎僕射竊

識視之、不失尺寸。

闥音榘、下去聲、射音夜、識音志。

光字子孟、漢平陽人、爲大將軍、禁闥宮中小門也、深沉安靜、不浮躁也、精詳審密、不麤率也、進止一進一止也、郎僕射皆官名、不失尺寸、猶言一步不差耳、僕主也、古者重射、故有是官、闥中語轉射爲

夜耳

○汲黯。景帝時。為太子洗馬。以嚴見憚。武帝即位。召為主爵都尉。以數直諫。不得久居位。是時太后弟。武安侯田蚡。為丞相。中二千石拜謁蚡。弗為禮。黯見蚡未嘗拜揖之。黯乙減切。洗蘇典切。數音朔。蚡音忿。

黯字長孺。漢濮陽人。太子洗馬官名。洗之言先也。太子出則前導也。以嚴見憚。以正直為景帝所敬。憚也。主爵都尉亦官名。以猶因也。中滿也。中二千石。謂九卿之官。歲俸滿二千石也。蚡負貴而驕人。黯獨不為之屈。但揖之而已。

上方招文學儒者。上曰。吾欲云云。黯對曰。陛下內多欲而外施仁義。奈何欲效唐虞之治乎。上怒。變色而罷朝。公卿皆為黯懼。上退。謂人曰。甚矣汲黯之戇也。

治去聲。為去聲。戇音撞。

上謂武帝云云。猶言如此如此。言效唐虞之治也。心多欲。如急財利。好征伐。求神仙之類。唐虞唐堯。虞舜也。戇。愚也。帝不罪黯而容之。君人之度備矣。羣臣或數黯。黯曰。天子置公卿輔弼之臣。寧令從諛。

承意陷至於不義乎。且已在其位。縱愛身。奈辱朝廷何。數上聲

數責也。輔弼輔德而弼違也。從諛承意順從阿諛。以奉承上意也。已既也。

黷多病。病且滿三月。上常賜告者數。終不瘳。最後嚴助為請告。上曰。汲黯何如人也。曰。使黯任職居官。亡以瘳人。然至其輔少主守成。雖自謂賁育。弗能奪也。上曰。然古有社稷之臣。至如汲黯近之矣。數音朔。瘳音愈。為去

聲亡無同少去聲賁音奔

漢法病滿三月當免官告休假也。瘳通作愈。病痊也。嚴助人姓名時為侍中。瘳過也。孟賁夏育皆古之有力者。言黯之正直。若託之擁輔幼君。以保守成業。雖自謂有賁育之勇者。亦不能奪其大節也。然是其言也。社稷臣能安社稷者。

大將軍青侍中。上踞廁視之。丞相弘宴見。上或時不冠。至如見黯。不冠不見也。上嘗坐武帳。黯前奏事。上不冠。望見黯。避帷中。使人可其奏。其見敬禮如此。青衛青侍中。侍于禁中也。踞蹲坐也。廁牀邊側。弘

公孫弘宴見。宴閑時進見也。嘗曾也。武帳帳中置兵衛者。可猶是也。從其奏。則稱制曰可。蹲音存

○初魏遼東公翟黑子。有寵於太武。奉使并州。受布千疋。事覺。黑子謀於著作郎高允曰。主上問我。當以實告。為當諱之。允曰。公帷幄寵臣。有罪首實。庶或見原。不可重為欺罔也。中書侍郎崔鑿。公孫質曰。若首實。罪不可測。不如姑諱之。黑子怨允曰。君奈何誘人就死地。入見帝。不以實對。帝怒殺之。翟音狄。使去聲。并音兵。為去聲。

幄一角切。首去聲。下同。重去聲。

史氏記事而原其始。則曰初。此則節取其事。而矣。

刪也。魏元魏太武。魏帝并州。今太原府。覺發覺也。

允字伯恭。諱隱諱也。帷幄寵臣。侍帷幄。受寵眷之

臣也。宥罪曰原。重再也。言已受賄。若更隱諱。是再

造欺罔之罪也。崔鑿。公孫質。皆中書侍郎。測度也。

始且也。誘引也。

帝使允授太子經。及崔浩以史事被收。太子謂允曰。入見至尊。吾自導卿。脫至尊有問。但依吾語。

崔浩為司徒。與允等脩國書。刻石以彰直筆。太武

怒其暴揚國惡收浩誅之將及于允故太子欲指
導其生路脫儻若也

太子見帝言高允小心慎密且微賤制由崔浩請赦
其死帝召允問曰國書皆浩所為乎對曰臣與浩共
為之然浩所領事多總裁而已至於著述臣多於浩
帝怒曰允罪甚於浩何以得生太子懼曰天威嚴重
允小臣迷亂失次耳臣臯問皆云浩所為帝問允信
如東宮所言乎對曰臣罪當滅族不敢虛妄殿下以
臣侍講日久哀臣欲丐其生耳實不問臣臣亦無此

言不敢迷亂

臯音向
丐音蓋

微賤言其職之卑制著述也多猶皆也總裁謂總
其大綱而裁正之總事曰著纂言曰述失次謂所
對失其次序臯猶昔也東宮太子之宮殿下太子
之稱丐乞也

帝顧謂太子曰直哉此人情所難而允能為之臨死
不易辭信也為臣不欺君貞也宜特除其罪以旌之
遂赦之

直哉贊其直也旌之表其善也

他日太子讓允曰。吾欲為卿脫死。而卿不從。何也。允曰。臣與崔浩。實同史事。死生榮辱。義無獨殊。誠荷殿下再造之慈。違心苟免。非臣所願也。太子動容稱嘆。

為去聲
荷去聲

讓責也。殊異也。言當與浩同之。再造猶言再生。動容變貌也。

允退謂人曰。我不奉東宮指導者。恐負翟黑子故也。

一靜脩劉氏曰。高允告黑子之言。忠情之直亮。而作一史者。遠繼之以庶或見原則。所謂首實者。乃所以

為徼倖之資。又以不奉東宮指導。為恐負黑子則

允所以為是者。非以義理之當然。第以此爾。此皆史臣不明義理。而于遣辭之際。輕為增損。使允忠亮之心。不自于後世也。

○李君行先生。名潛。虔州人。入京。至泗州。畱止。其子弟請先往。君行問其故。曰。科場近。欲先至京師。貫開封戶籍。取應。君行不許。曰。汝虔州人。而貫開封戶籍。欲求事君。而先欺君。可乎。寧遲緩數年。不可行也。

乾

虔音

君行字也。潛名也。宋人也。宋之京師在開封府。貫
猶係也。冒籍以應舉。則欺君矣。

○崔玄暉母盧氏嘗誡玄暉曰。吾見姨兄屯田郎中
辛亥馭曰。兒子從宦者。有人來云。貧乏不能存。此是
好消息。若聞貲貨克足。衣馬輕肥。此惡消息。吾嘗以
為確論。暉音偉。馭音

玄暉名暉。唐博陵人。仕至宰相。姨兄。姨之子。長于
我者也。貧必廉。故曰好消息。富必貪。故曰惡消息。

此見親表中仕宦者。將錢物上其父母。父母但知喜

悅。竟不問此物從何而來。必是祿俸餘資。誠亦善事。

如其非理所得。此與盜賊何別。縱無大咎。獨不內愧。

於心。玄暉遵奉教誡。以清謹見稱。別何必切

比近也。親同姓表外姓。非理所得。如竊官物。剝民
財。皆是咎罪也。言罪雖幸免。心實有愧矣。

○劉器之待制。初登科。與二同年。謁張觀參政。三人
同起身請教。張曰。某自守官以來。常持四字。勤謹和。
緩。中間一後生應聲曰。勤謹和。既聞命矣。緩之一字。
某所未聞。張正色作氣曰。何嘗教賢。緩不及事。且道

世間甚事。不因忙後錯了。

器之名安世。宋元城人。待制。叅政。皆官名。勤以從政。謹以持身。和以待人。緩以處事。未聞猶未喻也。賢稱後生也。蓋緩非迂。緩不及事之謂。乃從容詳審之謂耳。

○伊川先生曰。安定之門人。往往知稽古愛民矣。則於為政也何有。

如劉彞、錢藻、孫覺、范純仁、錢公輔是也。稽古經義齋之事。愛民治事齋之事。何有言不難也。

○呂榮公自少官守處。未嘗干人舉薦。其子舜從守

官會稽。人或譏其不求知者。舜從對曰。勤於職事。其

他不敢不慎。乃所以求知也。

少去聲。會音檜。

舜從榮公第二子。名疑問。字舜從。守官以官為守

也。干求也。榮公生平未嘗求舉于人。故舜從克紹

父志。嘗曰。職事不敢不勤。他事不敢不慎。此雖不

求知。而人必自知也。

○漢陳孝婦。年十六而嫁。未有子。其夫當行戍。且行時。屬孝婦曰。我生死未可知。幸有老母。無他兄弟。備

養吾不還汝肯養吾母乎婦應曰諾

戊音庶屬音竹養去聲

列女傳漢時陳之孝婦也守邊日戍屬付託也夫

往從軍以母託孝婦為養

夫果死不還婦養姑不衰慈愛愈固紡績織紝以為

家業終無嫁意

慈愛愈固姑慈婦愛愈深固也紡以車績以杼織

以機紝以箴

居喪三年其父母哀其少無子而早寡也將取嫁之

孝婦曰夫去時屬妾以供養老母妾既許諾之夫養

人老母而不能卒許人以諾而不能信將何以立於

世欲自殺其父母懼而不敢嫁也遂使養其姑二十

八年姑八十餘以天年終盡賣其田宅財物以葬之

終奉祭祀

少去聲屬音竹夫音扶

卒終也夫死不嫁節也養姑而生事葬祭必盡力

孝也

淮陽太守以聞使使者賜黃金四十斤復之終身無

所與號曰孝婦

使去聲復音福與去聲

淮陽即今陳州太守以孝婦聞之于朝因遣使賜

金復之謂除其家之戶役終孝婦之身無所干與也故當時號曰孝婦云

○漢鮑宣妻桓氏字少君宣嘗就少君父學父奇其清苦故以女妻之裝送資賄甚盛宣不悅謂妻曰少君生富驕習美飾而吾實貧賤不敢當禮

少去聲下同妻去聲

賄音悔

宣字子都渤海人清謂澹泊苦謂憂勤學以清苦而成行以清苦而立

妻曰大人以先生脩德守約故使賤妾侍執巾櫛既

奉承君子惟命是從宣笑曰能如是是吾志也妻乃

悉歸侍御服飾更著短衣裳與宣共挽康車歸鄉里

拜姑禮畢提甕出汲脩行婦道鄉邦稱之

更平聲著許酌挽音晚

大人稱其父也先生稱其夫也約儉約也侍御婢

妾也服飾資裝也少君聞夫言遂以婢妾資裝歸

之于父別著短布衣裳與夫同牽康頭小車歸家

拜姑躬執婦道宣至哀帝時任諫大夫累上書極

諫帝以宣名儒優容之後拜司隸校尉不避權勢

為王莽所害

○曹爽從弟文叔妻。譙郡夏侯文寧之女。名令女。文叔蚤死。服闋。自以年少無子。恐家必嫁已。乃斷髮為信。其後家果欲嫁之。令女聞。即復以刀截兩耳。居止常依爽。及爽被誅。曹氏盡死。令女叔父上書。與曹氏絕昏。疆迎令女歸。譙音樵。闕音缺。少去聲。斷音短。復扶。又切。疆上聲。

曹爽字伯昭。魏宗室。譙郡今亳縣。從弟同祖之弟。夏侯覆姓文寧名也。闕終也。斷截也。令女夫死無子。恐家嫁已。斷髮截耳。依夫兄曹爽以居。及爽為司馬懿所殺。夷其族。令女叔父疆迎令女歸父母之家也。

時文寧為梁相。憐其少執義。又曹氏無遺類。冀其意阻。乃微使人風之。令女嘆且泣曰。吾亦惟之。許之。是也。家以為信。防之少懈。令女于是竊入寢室。以刀斷鼻。蒙被而臥。其母呼與語。不應。發被視之。血流滿床。席舉家驚惶。往視之。莫不酸鼻。相一作州。少去聲。風去聲。懈音戒。

無遺類。盡死也。冀其意阻。幸其阻守義之意。而攻適也。風。謂以言動之。惟之。思之也。竊私也。

或謂之曰。人生世間。如輕塵棲弱草耳。何辛苦乃爾。

且夫家夷滅已盡。守此欲誰為哉。令女曰。聞仁者不以盛衰改節。義者不以存亡易心。曹氏全盛之時。尚欲保終。况今衰亡。何忍棄之。禽獸之行。吾豈為乎。

為去聲

聲行去聲

熊氏曰。輕塵易散。弱草難依。適然棲泊。颺即去矣。非有纏固也。乃爾猶言如此也。夷。誅也。守此謂守義不仁不義禽獸之行也。魏晉之際。廉耻道喪。背君父而事仇讎者。比肩接跡。聞令女之言。觀令女之行。寧不愧乎。後司馬懿聞而嘉之。聽令女乞子。

養為曹氏後

○唐鄭義宗妻盧氏。畧涉書史。事舅姑。甚得婦道。嘗夜有強盜數十。持杖鼓譟。踰垣而入。家人悉奔竄。唯有姑自在室。盧冒白刃。往至姑側。為賊捶擊。幾死。

杖音

仗譟先到切竄取亂切冒音墨為去聲捶主蓋切幾平聲

涉。涉水。在書史則泛觀之也。杖。兵器也。鼓譟。鼓舞呼譟也。奔竄。奔走竄匿也。冒。犯也。

賊去後。家人問何獨不懼。盧氏曰。人所以異於禽獸者。以其有仁義也。鄰里有急。尚相赴救。况在於姑。而

可委棄乎若萬一危禍豈宜獨生。

五家為隣二十五家為里危禍謂始獨生謂已

○唐奉天竇氏二女生長草野幼有志操永泰中羣盜數千人剽掠其村落二女皆有容色長者年十九幼者年十六匿巖穴間曳出之驅迫以前臨壑谷深數百尺其姊先曰吾寧就死義不受辱即投崖下而死盜方驚駭其妹繼之自投折足破面流血羣盜乃捨之而去。剽音票曳音裔

奉天縣名永泰年號剽掠攻劫也村落村居也匿

藏也曳拖也前謂前行捨之謂捨其妹

京兆尹第五琦嘉其貞烈奏之詔旌表其門閭永蠲其家丁役。蠲音涓

京兆郡名尹官名第五姓琦名蠲除也

○繆彤少孤兄弟四人皆同財業及各取妻諸婦遂求分異又數有鬪爭之言彤深懷忿嘆乃掩戶自搥曰繆彤汝脩身謹行學聖人之法將以齊整風俗奈何不能正其家乎弟及諸婦聞之悉叩頭謝罪遂更為敦睦之行。繆音木彤音容少去聲取音娶數音朔槌職瓜切行去聲更平聲行去聲

漢繆彤字豫公，幼而無父，曰孤。同財者，兄弟之本心。鬪爭者，姊妹之私意。搥以杖擊身也，叩頭以頭擊地也，更改也，敦厚也。睦和也，彤怒諸弟求分財，異居，乃閉戶用杖自擊其身，因呼已名責數之曰：彤，汝平昔脩其已身，謹其行事，學聖人之禮法，汝心將欲施之當時，以整齊天下之風俗，汝今何不能自正其家，而欲分異乎？于是諸弟諸婦聞彤自責，悉俯地擊首以謝，遂改爲敦睦之行。嗚呼！彤之德固，有以感動諸弟，而諸弟亦可謂善改過者矣。宜乎朱子著于小學，以爲世勸也。

○蘇瓊除南清河太守，有百姓乙普明兄弟爭田，積年不斷，各相援據，乃至百人。瓊召普明兄弟諭之曰：天下難得者兄弟，易求者田地。假令得田地，失兄弟心，如何？因而下淚。諸證人莫不灑泣。普明兄弟叩頭乞外更思，分異十年，遂還同住。

斷都玩切易音異令平声

瓊字珎之，北朝人，南清河郡乙姓。普明名，斷決也。援據，攀援他人爲證據也。論曉也，如何，問之以發動其良心也。太守下淚，而諸證人洒泣，普明兄弟

悔過可以見人心之天矣

○王祥弟覽母朱氏遇祥無道覽年數歲見祥被楚撻輒涕泣抱持至于成童每諫其母其母少止凶虐朱屢以非理使祥覽與祥俱又虐使祥妻覽妻亦趨而共之朱患之乃止屢音慮

王覽字玄通祥孝奉繼母見前楚撻謂撻之痛楚也成童十五歲也覽年幼見兄被楚撻抱持泣諫其友愛出于天性然矣至于祥妻受虐覽妻亦趨共之則非得于觀感之深者其能然乎由是其母

遷正凶

之山

母

相親

兄弟相愛

其孫子導承相元帝立國江左子孫承祀雖不替吁非孝順之篤至詎能致是歟

○晉右僕射齊攸永嘉末没于石勒過泗水攸以馬負妻子而逃又遇賊掠其牛馬步走擔其兒及其弟子綏度不能兩全乃謂其妻曰吾弟齊亡唯存息理不可絕止應自棄我兒耳幸而得存此後當存子妻泣而從之乃棄其子而去之幸以無虞射音力度音

應子


右僕射字伯道平陽人亦嘉德帝年號至
勅字世龍匈奴人借據自意後趙沒陷後是子
息弟子康之子綏其名也水在淮北攸遭亂變
其其子與弟之了綏以是言度其不能兩全男
棄也子以合雙子說其二三三三三見燕氏日既
不能兩全言其言其言其言其言其言其言其言

子會也

時人哀之者義也弟子綏服喪三年者義當然也

弟子綏服攸喪三年為去聲

時人哀之者義也弟子綏服喪三年者義當然也
熊氏曰君子殉義以安命存亡絕續皆天也人事
所當為者為之而已爾○按本傳是日過泗水棄
子及暮子復追及明日繫之于樹而去棄子之後
姜不復孕過江納妾訊其家乃攸之甥攸素有行
聞之感恨遂不復畜妾至咸和元年卒史臣曰棄
子存姪以義斷恩若力所不能自可割情何至于
纏繫絕其奔走斯豈慈父仁人之心卒無嗣宜矣



○晉咸寧中大疫。庾袞二兄俱亡。次兄毗復危殆。癘氣方熾。父母諸弟皆出次于外。袞獨留不去。諸父兄強之。乃曰。袞性不畏病。遂親自扶持。晝夜不眠。其間復撫柩哀臨不輟。如此十有餘旬。疫勢既歇。家人乃反。毘病得差。袞亦無恙。

疫音役。毘音皮。復扶又切。癘音利。熾昌志切。強上聲。聞音又得。差楚戒切。恙音樣。

咸寧年號。疫癘皆瘟疾。袞字叔褒。次兄名毘。危殆謂病甚也。熾盛也。次舍也。開空隙也。臨哭也。輟止也。差愈也。恙病也。

父老咸曰。異哉此子。守人所不能守。行人所不能行。歲寒然後知松栢之後凋。始知疫癘之不能相染也。

父老鄉之高年者。異哉稱其所守所行異于人也。後凋謂後于衆木之凋。

○楊播家世純厚。並敦義讓。昆季相事有如父子。椿津恭謙。兄弟旦則聚於廳堂。終日相對。未嘗入內。有一美味。不集不食。廳堂間。往往幃幔隔障。為寢息之所。時就休偃。還共談笑。

慢莫半切。

播字延慶。北朝人。昆季兄弟也。椿字延壽。津字羅。

漢休亦息也。偃猶臥也。

椿年老。曾他處醉歸。津扶持還室。假寢閣前。承候安

否。寢本傳作寐

假寢不脫衣冠而寢也。閣謂室之門。

椿津年過六十。並登台鼎。而津常旦莫參問。子姪羅

列階下。椿不命坐。津不敢坐。莫音暮

台鼎三公之稱。如星之有三台。鼎之有三足也。椿

為司徒。津為司空。故曰並登台鼎。

椿每近出。或日斜不至。津不先飯。椿還然後共食。食

則津親授匙箸。味皆先嘗。椿命食。然後食。津為肆州

椿在京宅。每有四時嘉味。輒因使次附之。若或未寄。

不先入口。一家之內。男女百口。總服同爨。庭無間言。

飯上聲匙音時着音仕使去聲爨取亂切間去聲

京宅宅在京也。嘉味美味也。未寄于兄。則不先食。

總麻北服。同炊爨。四世不分異也。間言異言也。

○隋吏部尚書牛弘弟弼。好酒而酗。嘗醉射殺弘。駕

車牛。弘還宅。其妻迎謂弘曰。叔射殺牛。弘聞無所怪

問。直答曰。作脯。坐定。其妻又曰。叔射殺牛。大是異事。

弘但此施之常人或可弟而酒若是可不問乎

弘曰。色知。顏色自若。讀書不輟。音許御切。脯音府。輟音拙。

弘字里仁。安定人。弟名弼。酌酒狂也。直猶但也。輟止也。

○唐英公李勣。貴為僕射。其姊病。必親為然火煮粥。

火焚其鬚。姊曰。僕妾多矣。何為自苦如此。勣曰。豈為

無人耶。顧今姊年老。勣亦老。雖欲數為姊煮粥。復可

得乎。勣音迹。射音夜。為去聲。下同。數音朔。復去聲。

勣本姓徐。為唐相。封英公。賜姓李。字懋功。曹州人。

顧猶念也。勣貴為宰相。僕妾既多。而姊病。親為煮

粥。其友愛之情至矣。

○司馬溫公與其兄伯康。友愛尤篤。伯康年將八十。

公奉之如嚴父。保之如嬰兒。每食少頃。則問曰。得無

饑乎。天少冷。則拊其背曰。衣得無薄乎。拊音府。

伯康名旦。吳氏曰。奉之如嚴父。敬之至也。保之如

嬰兒。愛之至也。老人腸胃弱。易飽。易饑。氣體虛。易

寒。易熱。故公撫問之勤如此。

○近世故家。惟晁氏。因以道。申戒子弟。皆有法度。羣

居相呼。外姓尊長。必曰某姓第幾叔。若兄。諸姑尊姑。

之夫。必曰某姓姑夫。某姓尊姑夫。未嘗敢呼字也。其言父黨交游。必曰某姓幾丈。亦未嘗敢呼字也。當時故家舊族。皆不能若是。晁音潮

故家舊家。惟獨也。以道名說之。澶淵人。若及也。尊者曰某姓第幾叔。長者曰某姓第幾兄。姑父之姊妹也。尊姑祖之姊妹也。父黨交游。父之友也。稱姓稱行。稱位。而不呼字。皆謙厚之道。

○包孝肅公尹京時。民有自言以白金百兩寄我者。死矣。予其子。不肯受。願召其子。予之。尹召其子。辭曰。

亡父未嘗以白金委人也。兩人相讓久之。予上聖與下同

公名拯。字希仁。孝肅謚也。宋廬州人。尹京時為京


尹之時。夫銀百兩。中一人一家之產。一以為受其父

寄。當還其子。一以為亡父未嘗寄人。而不肯受。各

盡其心而已。聞其風者。廉讓之心。當油然而生矣。

呂榮公聞之曰。世人喜言無好人三字者。可謂自賊者矣。古人言人皆可以為堯舜。蓋觀於此而知之。

賊。害也。古人謂孟子人無有不善。故皆可以為堯舜。蓋疑辭。此指讓金而言。猶言此等事也。



君奮從高
祖于兵爭
倉卒之時
而卒能孝
謹不失貽
法子孫豈
可不謂之
百代人慶

○萬石君石奮歸老于家。過宮門闕必下車趨。見路
馬必軾焉。子孫為小吏來歸謁。萬石君必朝服見之。
不名。子孫有過失。不誚讓。為便坐。對案不食。然後諸
子相責。因長老肉袒。固謝罪。改之乃許。誚在笑切
為去聲

漢石奮與四子皆官至二千石。故號萬石君。歸老。
致仕也。路馬。駕路車之馬也。謁。省也。誚。讓以言責
之也。便坐。謂坐于便室之處。對案不食。謂飲食設
于案。對之而不食。自責也。長老。族之高年者。肉袒。
袒衣露肉也。固。再三也。許。謂許其改過而已。復坐。

復食也

子孫勝冠者在側。雖燕必冠。申申如也。僮僕訢訢如
也。唯謹。勝音升側音
則訢音銀

勝冠。謂年及冠者。燕。謂燕居。申申。和順也。訢訢。和
悅也。和則易肆。故加謹。

上時賜食於家。必稽首俯伏而食。如在上前。其執喪
哀戚甚。子孫遵教亦如之。稽音啓

稽首。即叩首。稽首。俯伏而後起。食者。在家如在上
前。敬謹之至也。執喪。哀戚甚。孝之至也。

萬石君家以孝謹聞乎郡國。雖齊魯諸儒質行皆自以為不及也。行去聲。

孝謹即下宮門闕等事。齊魯二國名。質猶謹也。

長子建為郎中令。少子慶為內史。

郎中令內史皆官名。

建老白首。萬石君尚無恙。每五日洗沐歸謁親。入子

舍。竊問侍者取親中裙廁踰。身自浣滌。復與侍者不

敢令萬石君知之。敢恙音樣。裙音裙。廁音廁。浣音緩。滌音狄。

恙病也。漢法在官五日則休。暇一日以洗身沐首。

子舍小房。親謂萬石君中裙中衣。廁踰穢器不使

親知者。其為子職。而又欲親心安也。

內史慶醉歸。入外門不下車。萬石君聞之不食。慶恐

肉袒謝罪。不許。舉宗及兄建肉袒。萬石君讓曰。內史


貴人。入閭里。里中長老皆走匿。而內史坐車中自如。

固當。乃謝罷。慶及諸子入里門趨至家。

外門巷門。舉宗猶言闔族。讓責也。固當者。反辭以

責之也。謝罷慶者。許不過慶而復食也。里門即巷

門。言自是以後。入巷門則疾趨而歸。不但下車矣。



廣受之去
人知其明
皆其所以
為明哲者
人未之知
也

○疏廣為太子太傅。上疏乞骸骨。加賜黃金二十斤。太子贈五十斤。歸鄉里。日令家供具。設酒食。請族人。故舊賓客相與娛樂。數問其家。金餘尚有幾斤。趣賣以其具。疏音疎骸音諧樂音洛數音朔趣音促共音供

廣字仲翁。漢蘭陵人。太傅官名。上疏乞骸骨。猶今之告老也。娛歡也。趣與促同。共與供同。言促賣餘金。以供酒食之具也。

居歲餘。廣子孫竊謂其昆弟老人。廣所信愛者曰子孫。冀及君時。頗立產業基址。今日飲食費且盡。宜從

丈人所勸。說君置田宅。老人即以閒暇時。為廣言此

計。說音稅為去聲

冀欲也。君指廣。丈人即廣所愛信之高年兄弟也。所處也。說誘也。

廣曰。吾豈老悖。不念子孫哉。顧自有舊田廬。令子孫勤力其中。足以共衣食。與凡人齊。今復增益之。以為贏餘。但教子孫怠惰耳。悖音佩今平聲共音供復扶又切

老悖。年老而乖悖也。贏亦餘也。衣食有餘。則子孫倚之而怠惰矣。

此一轉更
說得有聲

賢而多財。則損其志。愚而多財。則益其過。且夫富者眾之怨也。吾既無以教化子孫。不欲益其過而生怨。又此金者。聖主所以惠養老臣也。故樂與鄉黨宗族共享其賜。以盡吾餘日。不亦可乎。
夫音扶
樂音洛

益增也。

○龐公未嘗入城府。夫妻相敬如賓。劉表候之。龐公釋耕於壟上。而妻子耘於前。表指而問曰。先生苦居畝畝而不肯官祿。後世何以遺子孫乎。龐公曰。世人皆遺之以危。今獨遺之以安。雖所遺不同。未為無所遺也。表嘆息而去。
遺音位
下同

龐公字德公。漢襄陽人。劉表漢宗室。候猶訪也。釋

猶罷也。壟。田間高處也。畝。田間水道也。遺猶與也。

富貴者易危。勤勞者常安。理勢然也。

○陶淵明為彭澤令。不以家累自隨。送一力給其子。書曰。汝旦夕之費。自給為難。今遣此力。助汝薪水之勞。此亦人子也。可善遇之。

淵明字元亮。晉潯陽人。彭澤縣名。今官名家累妻

子也。力。僕也。給與也。贍也。遇待也。

○崔孝芬兄弟。孝義慈厚。弟孝暉等奉孝芬。盡恭順之禮。坐食進退。孝芬不命。則不敢也。鷄鳴而起。且溫顏色。一錢尺帛。不入私房。吉凶有須。聚對分給。諸婦亦相親愛。有無共之。暉音偉

孝芬北朝博陵人

孝芬叔振。既亡後。孝芬等承奉叔母李氏。若事所生。旦夕溫清。出入啓覲。家事巨細。一以咨決。每兄弟出行。有獲則尺寸以上。皆入李之庫。四時分賚。李氏自裁之。如此二十餘歲。清七 正切 上上 聲 賚 洛代切

孝芬之叔名振。溫謂冬溫。清謂夏清。啓謂出必告。覲謂反必面。獲得也。賚與也。


○王凝常居。慄如也。子孫非公服。不見閨門之內。若朝廷焉。慄音栗

凝字叔恬。文中子之弟。慄嚴謹貌。

御家以四教。勤儉恭恕。正家以四禮。冠婚喪祭。

御治也。勤以事事。儉以制用。恭以處已。恕以待人。四禮說見嘉言。

聖人之書。及公服禮器。不假垣屋什物。必堅朴。日無



苟費也。門巷果木必方列。曰無苟亂也。

假借也不假。阮氏曰皆自足也。營築垣屋造設什物必渾堅朴素。經畫門巷種值果木必方整成列。蓋其為人不苟。故每事亦不苟如此。

○張公藝九世同居。北齊隋唐皆旌表其門。麟德中。高宗封泰山。幸其宅。召見公藝。問其所以能睦族之道。公藝請紙筆以對。乃書忍字百餘以進。其意以為宗族所以不協。由尊長衣食。或有不均。卑幼禮節。或有不備。更相責望。遂為乖爭。苟能相與忍之。則家道

雍睦矣。

更平聲

公藝。唐東平人。北齊北朝高齊也。麟德。唐高宗年號。封謂封土為壇以祭也。泰山。山名。天子所至曰幸。忍耐也。協和也。卑幼責望尊長之不均。尊長責望卑幼之不備。是更相責望也。乖戾也。雍和也。

○韓文公作董生行曰。淮水出桐柏山。東馳遙遙。千里不能休。淝水出其側。不能千里。百里入淮流。壽州屬縣有安豐。唐貞元年時。縣人董生召南。隱居行義於其中。刺史不能薦。天子不聞名聲。爵祿不及門。門

外惟有吏日來徵租更索錢

行如字肥音肥
召音邵索音色

公名愈字退之。謚文。唐昌黎人。董生名召南。行歌

類。桐栢山在唐縣。淝水在合肥縣。安豐縣名貞元

年號。董生隱居行義于淮淝之間。時之人不能與

儔。韓子為作此詩。蓋賦而興也。

嗟哉董生朝出耕。夜歸讀古人書。盡日不得息。或山

而樵。或水而漁。入厨具其旨。上堂問起居。父母不感

感。妻子不咨咨。

吳氏白感感憂愁也。咨咨嗟怨也。父母安其孝故

不憂妻子樂其慈故不怨

嗟哉董生。孝且慈。人不識。唯有天翁知。生祥下瑞無

休期。家有狗乳出求食。鷄來哺其兒。啄啄庭中拾蠹

蟻。哺之不食。鳴聲悲。彷徨躑躅久不去。以翼來覆待

狗歸。

乳去聲哺音步彷彿音旁徨音
皇躑音擲躅音逐覆敷救切

天翁猶言老天乳生子也。躑躅跳貌。吳氏曰董生

孝慈之行。獨天知之。故祥瑞見于異類如此。

嗟哉董生。誰將與儔。時之人。夫妻相虐。兄弟為讐。食

君之祿。而令父母愁。亦獨何心。嗟哉董生。無與儔。

儔匹也。朱子曰：上句誰將與儔，疑而問之之辭也。下句無與儔答而決之之辭也。

○唐河東節度使柳公綽在公卿間，最名有家法。綽尺

切約

河東道名節度使官名公綽字子寬

中門東有小齋，自非朝謁之日，每平旦輒出至小齋。諸子仲郢皆束帶晨省於中門之北。公綽決私事接賓客，與弟公權及羣從弟再會食，自旦至莫不離小齋。燭至則命一人子弟執經史躬讀，一過訖乃講議。

居官治家之法，或論文或聽琴，至人定鍾然後歸寢。

諸子復昏定于中門之北，凡二十餘年，未嘗一日變

易。朝音潮郢音穎從去聲莫音暮離去聲

仲郢節度之子字諭蒙，公權節度之弟字誠懸。

其遇饑歲則諸子皆蔬食，曰昔吾兄弟侍先君為丹

州刺史，以學業未成不聽食肉，吾不敢忘也。食音似

曰節度言也，父沒稱先君，聽猶許也。

姑姊妹姪有孤嫠者，雖疎遠必為擇壻嫁之，皆用刻

木粧奩，纈文絹為資裝，常言必待資裝豐備何如嫁

不失時。

發音離為去聲。音廉。纈胡結切。

姪謂兄弟之女孤無父者。發無夫者。奩鏡匣也。纈

文絹繫絹染為文者。

及公綽卒。仲郢一遵其法。事公權如事公綽。非甚病。

見公權未嘗不束帶為京兆尹。鹽鐵使出遇公權於

通衢。必下馬端笏立候。公權過乃上馬。公權莫歸必

束帶迎候於馬首。公權屢以為言。仲郢終不以官達

有小改。

莫音暮。

其指節度也。以上言家法之在外者。

公綽妻韓氏。相國休之曾孫。家法嚴肅儉約。為搢紳

家楷範。歸柳氏三年。無少長。未嘗見其啓齒。常衣絹

素。不用綾羅錦繡。每歸觀。不乘金碧輿。祇乘竹堯子。

二青衣。步履以隨。常命粉苦參黃連熊膽和為丸。賜

諸子。每永夜習學。舍之以資勤苦。

楷口駭切。少去聲。衣去聲。祇音止。堯

當侯切。屣音洗和去聲。

相國宰相之稱。休其名也。搢紳搢笏垂紳也。楷範

猶言法式。婦人謂嫁日歸。啓齒笑也。歸覲歸寧父

母也。竹堯子竹輪也。二青衣二僮使也。屣徐行貌。

資助也。此言家法之在內者。

○江州陳氏宗族七百口。每食設廣席。長幼以次坐。而共食之。有畜犬百餘。共一牢食。一犬不至。諸犬為之不食。畜許六切。為去聲。

江州今九江府。陳氏名褒。南唐人。十世同居。犬知愛其類。和順之所感也。

○溫公曰。國朝公卿能守先法久而不衰者。唯故李相家。子孫數世。至二百餘口。猶同居共爨。園邸舍所收。及有官者俸祿。皆聚之一庫。計口日給。餉婚姻

喪葬所費。皆有常數。分命子弟掌其事。其規模大抵出於翰林學士宗諤所制也。諤音遠。

國朝溫公自謂本朝也。李相名昉。字明遠。滁州人。為宰相。故稱李相。邸舍客店也。宗諤李相之子。字昌武。

○右實明倫。

李氏曰。首十章實父子之親。次八章實君臣之義。次五章實夫婦之別。次十章實長幼之序。次一章實朋友之交。後十一章通實五倫之義。或

問此篇似少朋友章朱子曰當時是衆編類來
偶缺此耳

或問第五倫曰公有私乎對曰昔人有與吾千里馬者吾雖不受每三公有所選舉心不能忘而亦終不用也吾兄子嘗病一夜十往退而安寢吾子有疾雖不省視而竟夕不眠若是者豈可謂無私乎

第五姓倫名字伯魚漢京兆人爲司空以公正稱
尉以太師太傅太保爲三公東漢以太尉司徒司空爲三公竟終也朱子曰不薦自是好然于心終

不忘便是與他取舉意思不同這便是私意又曰
如十起與不起便是私這便是避嫌只是他見得
這意思已是大段做工夫大段會省察了

○劉寬雖居舍卒未嘗疾言遽色夫人欲試寬令恚
伺當朝會裝嚴已訖使侍婢奉肉羹朝衣婢遺
收之寬神色不異乃徐言曰羹爛汝手子其性度如

此舍上聲卒村入聲遽音旬恚音惠
伺音似朝音潮奉音捧汚去聲

寬字文饒漢弘農人恚怒也裝嚴謂裝著嚴整也
變也

○張湛於嚴好禮。動止有則。居處幽室。必自脩整。雖遇妻子。若嚴君焉。及在鄉黨。詳正色。三輔以為儀

表。好去聲。處去聲。

湛字子孝。漢平陵人。於嚴。於莊而嚴厲也。嚴君尊嚴之君長也。漢以京兆尹左馮翊右扶風為三輔。其治長安城中。儀表猶言法式。

建武初。為左馮翊。告歸平陵。望寺門而步。主簿進曰。明府侍尊德重。不宜自輕。湛曰。禮下公門。軾路馬。孔子於鄉黨恂恂如也。父母之國。所宜盡禮。何謂輕哉。

建武年號。寺官府之稱。主簿馮翊屬吏也。恂恂信實之貌。

○楊震所舉荊州茂才王密。為昌邑令。謁見。懷金十斤以遺震。震曰。故人知君。君不知故人。何也。密曰。莫夜無知者。震曰。天知。神知。我知。子知。何謂無知。密愧而去。莫音暮。

震字伯起。漢弘農人。嘗為荊州刺史。故人震自謂君。謂密。

○茅容與等輩避雨樹下。眾皆夷踞相對。容獨危坐。

愈恭。郭林宗行見之而奇其異。遂與其言。因請寓宿。旦日。容殺鷄為饌。林宗謂為已設。既而供其母。自以艸蔬與客同飯。林宗起拜之曰。卿賢乎哉。因勸令學。卒以成德。夷木作曠。踞音據。為去聲。令去聲。

容字季偉。漢陳畱人。夷踞蹲坐也。危坐。以尻著蹠而坐也。林宗名泰。太原人。異異于眾。蹲音存。尻音苦。高切。蹠音隻。

○陶侃為廣州刺史。在州無事。輒朝運百甓于齋外。莫運於齋內。人問其故。荅曰。吾方致力中原。過爾優逸。恐不堪事。其勵志勤力。皆此類也。甓音闕。莫音暮。

皆以清談
廢事卒至
州陸沉
士行之
豈不
得起

侃字士行。晉鄱陽人。仕至太尉。甓。瓦也。時中原之地。為劉石所據。侃欲致力興復。故朝夕運甓。以習勞也。

後為荊州刺史。侃性聰敏。勤於吏職。恭而近禮。愛好人倫。終日歛膝危坐。閩外多事。千緒萬端。罔有遺漏。遠近書疏。莫不手荅。筆翰如流。未嘗壅滯。引接疏遠。門無停客。閩音苦。本切。上疏。去聲。下疏。平聲。

愛好人倫。尚名教也。閩外。謂邦域之外。晉處江左。以荆楚為國之西門。故曰閩外。

常語人曰。大禹聖人。乃惜寸陰。至於衆人。當惜分陰。豈可逸遊荒醉。生無益於時。死無聞於後。是自棄也。陰。光陰。

諸叅佐。或以談戲廢事者。乃命取其酒器。蒲博之具。

悉投之于江。吏將則加鞭朴。曰。樗蒲者。牧猪奴戲耳。

老莊浮華。非先王之法言。不可行也。君子當正其衣

冠。攝其威儀。何有亂頭養望。自謂弘達耶。蒲音蒲。樗音樞。

蒲。樗。蒲。博。局。戲。雙。陸。之。類。浮。華。謂。老。聃。莊。周。之。言。

虛。而。無。實。也。攝。檢。束。也。養。望。通。鑑。作。跣。足。逸。遊。荒。

醉。談。戲。廢。事。蓬。頭。跣。足。皆。老。莊。尚。玄。虛。棄。禮。法。之。

流。弊。吳。氏。曰。養。望。養。其。虛。望。也。

○王勣。楊炯。盧照鄰。駱賓王。皆有文名。謂之四傑。裴

行儉曰。士之致遠。先器識。而後文藝。勃等雖有文才。

而浮躁淺露。豈享爵祿之器耶。楊子沉靜。應得令長。

餘得令終。爲幸。其後勃溺南海。照鄰投頽水。賓王被

誅。炯終盈川令。皆如行儉之言。躁音灶。溺音匿。

行儉。字。守。約。唐。絳。州。人。器。器。局。識。識。見。浮。躁。不。沉。

靜。也。淺。露。不。深。潛。也。令。長。令。尹。也。令。終。善。終。也。盈。

川縣名

○孔戡於為義若嗜慾不顧前後於利與祿則畏避

退怯如懦夫然

戡音堪
懦音糯

戡字若勝孔子三十八世孫懦柔弱也言其勇于為義而怯于趨利祿如此

○柳公綽居外藩其子每入境郡邑未嘗知既至每出入常於戟門外下馬呼幕賓為丈皆許納拜未嘗笑語款洽

外藩謂節度使取屏蔽之義也其門得列戟故曰

戟門納受也

○柳仲郢以禮律身居家無事亦端坐拱手出內齋未嘗不束帶三為大鎮廐無良馬衣不熏香公退必讀書手不釋卷

廐音救

仲郢嘗為山南劔南天平三道節度使故曰三為

大鎮公退自公而退也釋捨也端坐拱手束帶敬也廐無良馬衣不熏香儉也讀書不釋卷勤也

家法在官不奏祥瑞不度僧道不貸賦吏法凡理藩府急於濟貧卹孤有水旱必先期假貸廩軍食必精

豐通租必貫免。館傳必增飾。宴賓犒軍必華盛。而交代之際。食儲帑藏必盈溢於始。至境內有孤貧衣纓家女。及笄者。皆為選壻。出俸金為資裝嫁之。

貸音太。通奔謨。

切貫音世。傳朱恋切。犒口到切。帑音倘。藏去聲。溢音逸。為去聲。

在官以下。皆柳氏之家法。貸寬也。假貸謂以錢穀借之。廩倉廩軍食。軍餉。逋欠也。貫除也。館客舍。傳馬驛。犒勞也。儲蓄也。帑藏皆庫名。所以貯金帛者。衣纓猶簪纓。及笄年十五者。熊氏曰。不奏祥瑞為誦上也。吳氏曰。食儲帑藏盈溢于始至。出納有籍。

用無所私而致也。餉式亮切

○柳玘曰。王相國涯方居相位。掌利權。竇氏女歸。請曰。玉工貨一釵。奇巧。須七十萬錢。王曰。七十萬錢。我一月俸金耳。豈於女惜。但一釵七十萬。此妖物也。必與禍相隨。女子不復敢言。女惜音汝。復扶又切。王涯。唐宰相。掌利權。謂其兼度支。鹽鐵。權茶等使也。竇氏女。涯女嫁竇氏者。歸謂歸寧。熊氏曰。涯實斬齋。託辭拒之。然妖物必與禍隨。則名言也。蓋妖巧之物。人所貪競。固有召禍之道也。權音教。斬斤信切。齋音色。

數月。女自婚姻會歸。告王曰。前時釵為馮外郎妻首飾矣。乃馮球也。王嘆曰。馮為郎吏。妻之首飾有七十萬錢。其可久乎。球音求

婚姻會。因婚姻而燕會也。

馮為賈相餽。門人竅密。賈有蒼頭頗。張威福。馮召而勗之。未浹旬。馮晨謁賈。有二青衣捧地黃酒出飲之。食頃而終。賈為出涕。竟不知其繇。餽音速。勗音旭。浹音接。飲去聲。為去聲。

賈餽亦宰相密。親密也。奴僕以蒼為巾。故曰蒼頭。勗勉也。浹周也。十日為旬。二青衣。二童使也。地黃。

藥名。無毒者。蓋他酒詭稱耳。食頃。一飯之頃也。球以奴張威福。恐為主累。故戒之。奴恐球告主。故毒殺之。

又明年。王賈皆遘禍。遘音垢

遘。遇也。涯餽皆為宦者。仇士良所殺。

噫。王以珠玩奇貨為物之妖。信知言矣。徒知物之妖。而不知恩權陰赫之妖。甚於物耶。馮以卑位貪寶貨。已不能正其家。盡忠所事。而不能保其身。斯亦不足言矣。賈之臧獲。害門客于牆廡之間。而不知欲終始。

富貴其可得乎。庶音武

恩權之隆赫禍機所伏也故謂之妖知言本謂知
言之是非此則謂知理之言也盡忠所事謂盡心
于餽也奴日臧婢日獲指蒼頭門客指馮球庶堂
下周屋也

此雖一事作戒數端

熊代日珍玩奇貨不可貪一戒也恩權隆赫不可
恃二戒也溺愛而不能正家三戒也失言而不能
保身四戒也嬖賊獲張威福害門客而不知五戒

也

○王文正公發解南省廷試皆為首冠或戲之曰狀
元試三場一生喫著不盡公正色曰曾平生之志不

在溫飽解去聲冠去聲著音取

公名曾字孝元宋青州人仕至宰相謚文正狀元
指公試三場言鄉試省試廷試皆第一也志不在
溫飽則在安天下矣

○范文正公少有大節其於富貴貧賤毀譽歡戚不
一動其心而慨然有志於天下嘗自誦曰士當先天

下之憂而憂。後天下之樂而樂也。

少去聲譽音于樂音洛

不一動其心。謂富貴不慕、貧賤不厭、毀之不怒、譽之不喜、得而不歡、失而不戚也。天下未憂而先憂、天下已樂而後樂、仁人之心如此。

其事上遇人，一以自信，不擇利害為趨捨。其有所為，必盡其方。曰：為之自我者，當如是。其成與否，有不在我者。雖聖賢不能必，吾豈苟哉。

自信守其正也。如是盡其方也。事上待人，一以自信，而不趨利，不避害，有所為必盡其方，而成敗不苟焉。容心於其間，有行法，俟命意。

○司馬溫公嘗言：吾無過人者，但平生所為，未嘗有不可對人言者耳。

誠而已。公平生誠實不欺，故不可對人言者，則不為也。

○管寧嘗坐一木榻，積五十餘年，未嘗箕股。其榻上

當膝處皆穿。股音古

寧字幼安，漢高士。古人危坐如跪，箕股謂兩展其股，狀如箕也。

此錄文忠公所引有也

八
卷六
五十二
○呂正獻公。自少講學。卽以治心養性爲本。寡嗜慾。薄滋味。無疾言遽色。無褻步。無惰容。凡嬉笑俚近之語。未嘗出諸口。於世利紛華。聲伎游宴。以至於博奕奇玩。淡然無所好。少去聲。窘巨隕切。俚音里伎音忌。好去聲。治心收其放心也。養性養其德性也。自寡嗜慾。以下皆治心以養性之事。窘迫促也。俚鄙俗也。使巧戲也。

○明道先生。終日端坐。如泥塑人。及至接人。則渾是一團和氣。塑音素。

終日端坐。如泥塑人。敬也。

○明道先生作字。時甚敬。嘗謂人曰。非欲字好。卽此是學。

朱子曰。此亦可以收放心。

○劉忠定公見溫公。問盡心行己之要。可以終身行之者。公曰。其誠乎。劉公問行之何先。公曰。自不妄語始。

忠定元城先生謚也。朱子曰。溫公所謂誠。卽大學所謂誠其意者。指人之實其心而不自欺也。

劉公初甚易之。及退而自矜括。日之所行。與凡所言。自相掣肘。矛盾者多矣。力行七年而後成。自此言行一致。表裏相應。遇事坦然。常有餘裕。

易音異。矜音隱。掣昌列切。肘音

帝矛音謀。盾汝。允切。行去聲。

易之以不妄語為易也。揉曲者曰矜。正方者曰括。皆制木之器也。自相掣肘。矛盾。喻言行相違也。吳氏曰。掣挽也。肘臂節也。掣肘謂肘欲運動而人挽之。不能運也。矛有鈎之兵。盾即今傍牌也。矛盾謂矛欲傷人而盾蔽之。不能傷也。

○劉公見賓客。談論踰時。體無欹側。肩背竦直。身不

少動。至手足亦不移。

敬音欺。竦音聳。

敬而已。劉公即忠定公也。踰過也。踰時謂過一時之久。心為一身之主。百體皆聽命。劉公存心正直。故見于外者如此。

○徐積仲車。初從安定胡先生。學潛心力行。不復仕進。其學以至誠為本。事母至孝。自言。初見安定先生。退。頭容少偏。安定忽厲聲云。頭容直。某因自思。不獨頭容直。心亦要直也。自此不敢有邪心。卒謚節孝先

生。

仲車父早卒，盡孝于母。朱子曰：這樣人都是資質美，所以一撥便轉，終身不為惡也。

○文中子之服，儉以絜，無長物焉。綺羅錦繡不入于室。曰：君子非黃白不御，婦人則有青碧。絜音潔，長音丈。

儉謂不華靡，潔謂不垢污，長剩也。無長物謂儉潔之外無所增飾也。黃白麻絲自然之色，青碧染造使然之色。

○柳玘曰：高侍郎兄弟三人俱居清列，非速客不二

羹，蔽夕食，齧葡萄而已。

蔽音恣，齧音核，匏音庖。

高氏兄弟，唐人。長弒翰林學士，次銖給事中，次諧禮部侍郎。速，召也。不二，不兼設也。羹，肉羹。蔽，肉醬。

齧猶嚼也。葡萄，匏，皆菜名。

弒音亦，銖音殊，諧音皆。

○李文靖公治居第於封丘門外，廳事前僅容旋馬。或言其太隘，公笑曰：居第當傳子孫，此為宰輔廳事，誠隘為太祝奉禮廳事，則已寬矣。

公名沆，字太初，位宰相。謚文靖，宋洛州人。第，第宅。封丘，宋都門名。廳，所以治事故曰廳事。旋，回轉也。

隘窄狹也。太祝奉禮皆世廕之官已太也。沈胡浪切

○張文節公為相。自奉如河陽掌書記時。所親或規之曰。今公受俸不少。而自奉若此。雖自信清約。外人頗有公孫布被之譏。公宜少從眾。公嘆曰。吾今日之俸。雖舉家錦衣玉食。何患不能。顧人之常情。由儉入奢。易由奢入儉。難。吾今日之俸。豈能常有。身豈能常存。一旦異於今日。家人習奢已久。不能頓儉。必至失所。豈若吾居位去位。身存身亾。如一日乎。

公名知白。字用晦。宋滄州人。初為河陽掌書記。後

為宰相。謚文節。漢丞相公孫弘為布被。汲黯曰。弘俸祿多。而為布被。此詐也。或人見文節之儉約。亦疑其詐。故引是以譏之。頓。邊也。

○溫公曰。先公為羣牧判官。客至未嘗不置酒。或三行。或五行。不過七行。酒沽於市。果止梨栗棗柿。肴止於脯醢菜羹。器用瓷漆。當時士大夫皆然。人不相非也。會數而禮勤。物薄而情厚。瓷音慈

溫公父名池。字和中。行猶巡也。

近日士大夫家。酒非內法。果非遠方珍異。食非多品。

器皿非滿案。不敢會賓友。常數日營聚。然後敢發書。苟或不然。人爭非之。以為鄙吝。故不隨俗奢靡者。鮮

矣。案亦作按

內法謂宮內造酒之法。營辨也。聚集也。書謂召客之書。

嗟乎。風俗頹弊如是。居位者雖不能禁。忍助之乎。

居位謂居相位時。公已作相矣。

○溫公曰。吾家本寒族。世以清白相承。吾性不喜華靡。自為乳兒時。長者加以金銀華美之服。輒羞赧棄

去之。年二十。忝科名。聞喜宴。獨不戴花。同年曰。君賜

不可違也。乃簪一花。平生衣取蔽寒。食取克腹。亦不

敢服垢弊。以矯俗干名。但順吾性而已。赧乃板切。矯音皎。

忝叨也。聞喜。進士宴名。垢污也。弊壞也。矯拂也。干

求也。

○汪信民嘗言。人常咬得菜根。則百事可做。胡康侯

信民。名革。宋臨川人。康侯。文定公字也。人能其澹

泊。而不以外物動心。則可以有為矣。擊節一說。擊

手指節一說擊器物爲節皆通嘆嗟嘆賞稱賞朱
子曰學者須常以志士不怠在溝壑爲念則道義
重而計較死生之心輕矣况衣食外物至微末事
不得未必便死亦何用犯義犯分役心役志營營
以求之邪某觀今人因不能咬菜根而至于違其
本心者衆矣可不戒哉

三曰在實敬身

李氏曰首十四章實心術之要次七章實威

儀之則次一章實衣服之制未六章實飲食之節終

卷六

